

Von dem Calender Keyser Julij.

Dilius da er Keyser oder Papsst zu Rom ward/nam sich vmb solche Sachē an/braucht Soffigones/
der dieser ding geübet/ vnd des Gestirns / Lauff des Himmels/fast verständig war / theilt das ganze
Jar nach dem Lauff der Sonnen/in drey hundert/fünff vnd sechzig tag/vnd sechs stund/so ein vier-
theil (tag vnd nacht zusammen gerechnet/das ist/auf vier vnd zwanzig stunden) ist/vnnd am vierdten Jar
wirdt auch tag vnd nacht drauß/darumb das vierdte Jar/das wir ein Schaltjar heissen/hat vier vnd zwanzig
stunden mehr/das ist/einen ganzen tag vnd nacht/welcher im vier vñ zwenzigsten tag des Monats Hor-
nung in dem Calender vnnd Jar gesetzt wirdt/darumb die Feyertag desselben Jars (als der gemein Mann
spricht) oberhupffen einen tag. Solches des Julij Calender brauchen wir Christen bißher/ ist aber all falsch
worden/ fehlet jetzt wol vmb vierzehnen tag/von wegen des Lauffs der Sonnen/dem man so gar nahend vnd
genaw nicht nachkommen mag/noch begreiffen kan/das nicht vmb ein har vnd tüttel fehlet/welches am er-
sten nicht/aber mit der zeit in die lenge/vil irrthumb macht. Wiewol bey Menschen gedechtnuß Papsst Pau-
lus der ander/vnnd Papsst Julius der ander/vnnd Papsst Leo der zehende/vnd Keyser Maximilianus/ sich
sehr bemühet haben/den Calender wider zu rechtfertigen. Die Papsst haben etliche Teutschen solcher sachen
hochverständig / als Johannem von Königsperg / Paulum von Weildenburg/Bischoff/ gen Rom gefor-
dert/So hat der Keyser allen hohen Schulen geschrieben/seyn etlicher Bücher/die man druckt/allenthalbē
feil ombgeführt/diesen handel betreffend/ außgangen.

Soffigenes Astro-
nomus.

Julij Cesaris ord-
nung vom Schalt-
jar.

Julij Cesaris Calē-
der ist verfälscht
worden.

Julij Cesaris Calē-
der von welchen er
rectificiert.

Von menge vnd oberfluß der geschriebnen Rechten vnd Liberereyen.